



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. IV. De Fratere Hermanno III. Magistro.

urn:nbn:de:hbz:466:1-11850

CAP. III.

De Fratre Ottone Magistro II.

Frater Otto (a) Magister Illud præfuit (b) multis annis & obiit (c) IV. Nonas Junii, sepultusque est Achon. (d)

ANIMADVERSIONES.

AD CAP. III.

- (a) Ottonem hunc, von Carpen dictum, quidam fuisse perhibent filium Baronis (eines Freyherrn) Alii nobilis alicujus & Civis Bremensis filium. Henneb. *in lib. de Vet. Pruss.* Octogenarius fuisse dicitur cum in Magistrum eligeretur. *Idem ibid.*
- (b) Sex annos ei assignat Auctor Chronicorum Ordinis, ut & Auctor Chron. Latini in Curia Palæopolitana Regiomonti.
- (c) Die Marcelli & Petri, ut addit Nicol. Jeroschin. &c.

CAP. IV.

De Fratre Hermanno III. Magistro.

Frater Hermannus, (a) dictus Bart, Magister tertius, præfuit multis (b) annis & mortuus est (c) XIII. Kalendas Aprilis sepultusque est (d) Achon.

ANIMADVERSIONES.

AD CAP. IV.

- (a) Alii ipsum nobilem Holfatum fuisse dicunt. Schuz *lib. I. Chronic. Pruss. fol. 16. b.* Auctor verò Chronici Ordinis asserit, ipsum Ducis Bartenfis ex fratre filium fuisse *fol. 25. b.*
- (b) Quatuor annos ei tribuit Chronicon Ordinis & Auctor Chronici Latini MS. Schuzius, & alii.
- (c) In vigilia S. Benedicti, ut addit Jeroschinus, Annum autem obitus apud antiquiores non reperio. Schuzius habet An. 1211. d. 20. Martii.
- (d) Aliud Chronicon dicit Magistrum hunc in oppugnatione urbis Tripoli-

Hermannus de Saltza IV. Magister Ordinis Teutonici.

politanae vulneratum, Hierosolymam delatum ibidemque mortuum & sepultum esse. *Vid. Henneb. lib. de Antiq. Prussia. Schüziius lib. 1. fol. 16. b.* Aliàs ipsum Virum Juvenem fuisse Chronica nostra referunt.

(d) Duo priores Magistri cruce nigra tantum usi sunt in Insignibus. Huic verò, ut habet Henneb. *in Tract. de Veteri Prussia*, concessit Henricus Rex Hierosol. ut nigrae Cruci auream posset inferere. Ego verò putaverim, aut Henricum Regem prioribus magistris hoc concessisse; aut si huic illud Concessum est, à successore Henrici, nempe Johanne Brenno, illud fuisse concessum. Nam Henricus Rex obiit An. 1195. Hermannus verò Magister Anno demum 1206. electus esse dicitur secundum Henneberger. *loc. cit.* Quamvis perplexa sit horum temporum Historia, multis Titulum Regis Hierosolymitani sibi asserentibus, *Vid. Christoph. Befoldus in serie Regum Hierosolymitanorum Cap. III. n. 1. & II. pag. 293. seqq.*

CAP. V.

De Fratre Hermannno de Saltza.

Magistro IV.

FRATER Hermannus de Salza Magister quartus præfuit (a) plurimis annis (b) obiit 9. Kalend. Augusti & Sepultus est in Bartetto. Hic fuit facundus, affabilis, sapiens, circumspectus, providus & in factis suis omnibus gloriosus. Dum post electionem suam videret tam tenerum statum Ordinis, optavit in audientia fratrum aliquorum, se uno velle oculo carere, ut ordo suo tempore suo, quo præesset, tantum sumeret incrementum, quod posset habere in armis paratos X. fratres milites & non plures. Sed quid fecisti in hac causa ô bone JESU, qui justis petentium desideriis semper præsto es, & pia vota non desinis propitius intueri? Nunquid fraudatus est à desiderio suo? Certè non. Imò desiderium animæ ejus tribuisti ei super abundanter. Tantum

D

enim